

Lider Biznes Gouvernman dan Lasanble Nasyonal

Manm Onorab Lasanble Nasyonal Sesel

Zofisye Lasanble Nasyonal

Nou bann envite dan galeri e tou manm piblik ki pe swiv nou, bonn apremidi.

Mon swet zot byenveni pour louvertir Lasanble Nasyonal pour lannen 2024. En byenveni spesyal pour bann envite dan galeri, manm lafanmir e pros ansyen onorab Rosie Bistoquet.

Sa seremoni louvertir Lasanble i en moman solanel pour mwan, ki permet mwan reflexir lo nou travay e plas nou Lenstitisyon dan nou pei. I donn mwan lokazyon pour adres detrwa mo lo nou misyon koman en brans nou gouvernman e pour lepep Seselwa.

2024 I katriyenm lannen dan term nou Lasanble ki nou apel 7tyenm Lasanble. En mazorite nou letan in fini pase e in pas vit. I sanble zis detrwa mwa ki nou ti zwenn pou premye fwa le 28 Oktob 2020. Dan sa trwa lannen kin pase, nou Lasanble in ranpli son rol dan governans nou pei e I mon swe ki nou a kontinye pour sa letan ki reste travay avek devouman, avek tou nou kouraz pou reste lavwa fidel nou nasyon.

Nou rebran travay apre serten moman ase difisil ki nou nasyon in pas ladan resaman, ki rapel nou ki lavi I annan sa bann moman ki teste nou kouraz me ki devre fer nou vin pli for. Bann lensidan le 7 desanm 2023, avek en katastrof klimatik dan Nor Mahe e lensidan leksplozyon dan distrik Cascade in fer nou termin lannen dan en fason tris. Ankor enn fwa mon eksprim nou solidarite e sipor pour tou nou sitwayen ki'n pas dan sa letan difikilte. Mon le sirtou salye kouraz e resilyans bann ki'n fer tou pou rekonstrir zot lakaz obyen zot landrwa biznes e pou rebran zot lavi normal. Mon osi salye ankor enn fwa tou bann kin vin devan pou

anmen led ek sipor kot zot kapab. Mon servi sa lokazyon pou not rol nou bann manm lasanble kin angaze dan zot distrik. I en temwayaz responsabilite ki Manm Lasanble I pran ler zot pran sa pozisyon. Mon felisit egalman tou bann lezot kin la pou anmenn soutyen, lankourazman e led kot zot kapab e ladan I annan osi serten manm sekretariat lasanble kin pran en par dan sa zefor menm si I pa ti zot responsabilite.

Ver lafen lannen noun pas dan en lot moman tre douloure avek lanmor trazik nou koleg, desede Onorab Rosie Bistoquet. Mon remesyè tou dan Lasanble kin vin ansanm pou eksprim zot respe e senpati ek solidarite avek son fanmir. Ozordi, son fanmir e pros in zwenn nou pou rann en omaz ofisyel ansyen Onorab Rosie Bistoquet.

Kanmenm nou'n pas dan sa bann moman, lannen 2023 I osi merit ganny selebre pour travay ki noun fer. Lasanble in ranpli latas ki Konstitisyon nou pei i donn li. Noun pas Lalwa ki neser pour gouvènans nou pei, nou'n anmenn kestyon lo polisi e program lekzekitiv e adopte mosyon ki aport pwenn-vi e sizesyon lasanble lo size nasyonal.

Lasanble in pas 32 lalwa an 2023 parmi bann ki annan lenplikasyon enportan pour

Manm in prezant 237 kestyon pour minis lo en gran varyete size In annan 30 mosyon kin vin devan lasanble enkli bann lo trete e konvansyon enternasyonal ki nou gouvènmàn pe adopte.

Mon pa bezwen dir bokou lo nou travay dan lasal. Piblik Seselwa in swiv nou fidelman e zot konnen ki noun fer.

Me sa ki mon bezwen tous lo la osi se sa ki nou fer an deor lasal e an deor batiman lasanble. Bann komite lasanble in reste aktiv dan sa dernyen lannen e mon pran lokazyon pour felisit zot pour zot travay.

Travay komite I fer en pon avek travay lekzekitiv e avek nou piblik an deor a traver bann rankont ki zot fer lo size ki dan zot manda. Mon konstata ki depi 2020 sa travay I enn kin pran plis lanpler. Monn war bann komite vin pli aktiv e pli angaze Manm ki fer par bann komite live

bann komite vin pi aktiv e pi angaje. Mami ki fer par bann komite liye  
avek bann lorganizasyon rezyonal e enternasyonal in osi kontinye zot  
langazman. Mwa prosen nou pou annan en seremoni pour sinyatir  
renouvelman nou lakor avek forum parلمانter SADC. Sa partenarya I  
siport en varyete aktivite dan domenn lasante ki nou lasanble I angaze  
ladan.

Lo kote administrativ nou'n fer zefor pou siport travay bann komite pli  
byen e mon kontan ki sa lannen nou'n ganny en pe plis larzan dan bidze  
pou siport sa direkteman e osi noun ganny en adisyon 5 post dan  
sekretaryat pour anploy zofisye ki pou servi koman sekreter e donn sipor  
administrativ bann komite. Sa I a ede servi sa bann komite pli byen e  
rann zot pli efektiv. Ler mon felisit bann komite mon bezwen fer enn  
mansyon spesyal Komite Scrutiny of Bills, sa enn ki travay lo tou bann  
lalwa ki vin devan lasanble, ki angaz avek bann minister e atorni zeneral  
pou eklersi konteni e langaz dan bann proze de lwa pour asire ki deba  
dan lasanble I lo merit sa proze de lwa. Sa komite I fondamantal pour  
asire ki lasanble I fer en travay efektiv e san zot lasanble pa ti pou marse  
e se pour sa ki mon donn zot sa remersiman spesyal.

Lannen pase, enn bann moman spesyal sete selebrasyon 30tyenn  
laniverser Lasanble Nasyonal. An efe sa selebrasyon in ganny marke  
avek plizyer aktivite par diferan group manm osi byen ki zofisye  
sekretaryat. In annan rankont avek group zenn, vizit kot lasanble e  
levennman partikilye, tou sa avek bi pou fer nou lasanble pli byen koni  
pa nou piblik. Son levennman santral ti en symposium lo nou  
Konstitisyon ki ti annan partisipasyon diferan brans gouvernman,  
lekzekitiv, lezislativ e zidisyer. I annan plizyer remark e sizesyon ki ti

ganny fer enkli pour Lasanble ki nou bezwen repran e avanse pour  
ganny konsidere dan en revizyon konstitisyon.

Par ekzanp, enn sete ki nonm manm elekte proporsyonelman I kapab  
ganny ogmante par rapor ek manm elekte direkteman pou reprezant en  
distrik. Travay lasanble pandan sa lannen in donn mwan lokazyon pou  
reflesi en pe plis lo sa propozisyon. Mon kwar ki bann rol leadership

dan Lasanble tel ki Speaker, Deputy Speaker, I devre ganny ranpli par Manm proporsyonel plito ki manm elekte pour en distrik. Sa I kapab aplik osi pour Lider Lopoziyon e Lider Biznes Governman. Sa bann lidere lasanble I annan en manda nasyonal e zot devre lib pou konsantre lo zot rol san responsabilite en distrik. Par kont, en manm elekte pour en distrik I devre kapab donn son latansyon antye son distrik. Plis manm proporsyonel dan lasanble I a osi permet bann parti politik plis posibilite pou ekilibre reprezantasyon dan lasanble. Par ekzanp nou rekonnèt ki I devre annan plis madanm dan lasanble e plis zenn. En manyer pou asir sa se avek manm proporsyonel.

Mon pou envit bann lidere lasanble a traver nou Konsey pou diskite sa bann tel size koman en propozisyon pou revizyon konstitisyon a lavenir. Mon konsyan ki sa propozisyon I kapab ganny kritik ki nou pou zis ogmant nonm dimoun dan lasanble e ogmant depans. Me pour mwan sa ki nou devre pe gete se ki sa I kapab fer pour lademokrasi dan nou pei e en lasanble ki servi nou sistenm gouvènans pli byen.

Lannen pase in annan pa mal kontrovers ler size saler pour bann lapwèntman konstitisyonel in monte dan lasanble. Noun war ki sa I en size ki vin politik fasilman e manm piblik sirtou I obzekte okenn sizesyon logmantasyon. Mon pa pou antre dan sa deba la, me zis senpleman demann nou piblik pou konsidere ki larzan ki nou bezwen depanse lo nou sistenm gouvènans I en nesesite fondamantal.

Lasanble Nasyonal koman en brans gouvènman I bezwen kapab atir bann zonn ek fanm kapab, konpetan, pour ranpli sa rol avek profesyonnalism e lonekte. I pou en defayans pour nou demokrasi pou les bann pozisyon konstitisyonel perdi zot stati par rapor avek lezot lokipasyon ou profesyon dan lezot brans gouvènman obyen sekter piblik. Parfwa dimoun I denigre politik ek politisyen, me se en sistenm politik ki diriz gouvènans tou pei nou bezwen donn respe si nou pou ganny bon dimoun.

Lannen pase mon ti mansyonn 2 size ki mon kwar Lasanble I devre pran pour son devlopman. Enn se ki nou war plis resours pour permet Manm

Lasanble servi plis zot privelez pou anmenn proze de lwa lo zot menm, sa ki apel Private Members Bill. Sa I en privelez ki nou Lasanble in servi tre rarman. Mon ti ankouraz Manm Lasanble pou fer sa me en lobstak fondamantal se ki sa demars I demann konesans e lekspertiz teknik me osi letan pou fer resers e preparasyon ki manm lasanble pa arrive annan. Pour permet nou avanse mon pou angaze pou regard nesosite resours ki kapab siport Manm Lasanble fer sa.

Lot size se lobzektif pou permet Lasanble realiz plis son lotonomi koman en brans gouvernman. Sa I pa okenn lide revolisyoner ki pou bouwers sistenm ki ganny preskrir dan nou konstitisyon. O kontrè I tandans ki tou pei pe pran koman en mezir lademokrasi ki ekziste. Brans lezislatif I bezwen define son rol klerman e asim son responsabilite otan ki posibil an parallel avek lekzekitiv ek zidisyer.

Plis lotonomi pour lasanble I vedir annan plis lendepandans lo kontrol son bidze e son kad administrative. Definitivman I lekspketasyon e standar demokratik pour lasanble annan en lotonomi respektab, an menm tan ki nou mentenir en konformite dan bann prosedir ki nou swiv. Nou en brans otonom me dan enn menm gouvernman.

Sa I bann size ki mon pou angaz bann lidèrs a traver nou Konsey Lasanble pou diskite e regarde ki manyer nou kapab fer avanse.

Revizyon nou kad legal I touzour en defi ki nou devre pran an kont. Lannen pase, nouvo Law Commission in lans lapel ki bann lantite konsènen I soumet propozisyon pou revwar e reviz lalwa ki konsèrn zot. An repons monn propoze ki kad legal lasanble ki ekziste I ganny konsidere. A laktyel nou annan 2 lalwa ki ankadre Lasanble apard konstitisyon. Enn I apel National Assembly Privileges, Immunities and Powers Act e lot I National Assembly Members Emoluments Act. Tou le de I date e I klerman annan provizyon ki nepli aplike. Parey en kantite lezot lalwa zot devre ganny met a zour. Lideal, sa ki mon mon ti a souete se ki I annan en sel lalwa ki kouver Lasanble an antye. La ankor, mon pou envit bann lidèrs pou aport latansyon lo la e gete ki propozisyon

konkret nou kapab anmennen.

Dan lannen kin pase noun reisi fer en pe progre lo nou fasilite fizik, nou batiman e lespas travay ki nou annan. Prensipalman noun konplet en nouvo younit pour nou bann servis administrative, setadir, housekeeping, maintenance, stores. Staff dan sa bann departman pou kapab antre byento e annan en pe plis lespas e fasilite. I a ede adres mankman lespas ki nou fer fas avek. Pour le moman I a permet nou aranz dapartman medya en pe pli byen me nou kontinyen annan lezot defi par .

Kekfwa piblik pa realize ler zot pase lo semen e zot war nou batiman ki fer en zoli portre. An efe batiman lasanble nasyonal I ase enpozan avek en stil tropik me mankman lespas pe vin plis an plis en kontrent pour nou. Avek letan kin pase, lasanble nasyonal in grandi an term travay ki nou fer. An mezir ki nou fer plis, nou anploy plis staff dan nou sekretaryat. par ekzanp, sa 5 zofisyete ki nou pou anploye sa lannen pou

deserve bann komite me lespas pou zot travay I manke. Nou pou kontinyen avek demars pou realize en proze agandisman batiman lasanble ki pou konpri de batiman akote nou batiman orizinal dan menm stil. Nou'n deza prezant sa proze avek Minister Finans pour konsiderasyon e nou espere kapab komans avek preparasyon en plan byento.

Apard nou problem lespas I annan osi lezot bezwen renovasyon e reparasyon. Komansman sa lannen noun antreprann en proze refer lenstalasyon komikasyon, kab e koneksyon pour internet e telefonn. Sa sistenm tin pas son laz e lannen pase ti pe donn nou problem. Sa reparasyon in pranla plipar nou letan recess e travay lo lapar nou lekip IT. Mon remersye nou manager IT Vincent Quatre e son lekip kin pas bokou letan lo sa latas e si nou servis kominikasyon I mars pli byen sa lannen se gras a zot.

Manm I a okouran ki an se moman nou pe ganny pa mal problem avek tiles ki pe kase dan diferan landrwa. Travay reparasyon in komanse dan landrwa kin ganny afekte be nou bezwen antrepran en ranplasman

konplet ki pou en travay ase konplike.

Lot gran defi se sanzman twatir ki pe rouye e komans koule par plas. Sa I en travay ki bezwen pran avek bokou planifikasyon ki kekfwa nou kapab antrepran sa dan recess lafen sa lannen.

Mon masyonn tou sa la pou montre ki nou osi nou annan problem gard nou lakaz en bon eta e nou bezwen moderniz nou bann fasilite fizik.

Bi tou sa la byen sir se pou permet nou travay pli byen e ranpli nou rol a plen.

Mon remersye bann manm pour zot travay lannen pase. An efe, a lafen

lannen nou ti rekonnet long servis serten manm dan enn pti seremoni. Permet mwan nonm zot ankor aköz zot pann ganny bokou piblisite – Staff sekretaryat kin fer plis ki 10 : Mm Tanya Isaac, Klerk, Mis Petra Tirant, zofisye dokimnatasyon, Mis Sheryl Ramgasamy zofisye accounts, e Zofisye medya Darel Atala, 11 an, Ms Samia Lebon rapporteur, 12 an, Msye Jim David, Koordinater Proze 12 an e MM Ghislaine Thelermont Zofisye kontabilite, 23 an.

Lo kote Manm Lsanble bann kin fer 10 an I Onorab Norbert Loizeau, Onorab Sandy Arissol, Onorab Gervais Hennrie, Onorab Clifford Andre. Bann kin plis ki 10 an, Onorab Sebastien Pillay, 11 an, Onorab Regina Esparon, 13 an, Onorab Bernard Georges 16 an e Onorab Waven William 23 an.

Sa I pour ki zot in fer deza. Me mon pe kont lo zot e lo tou pou fer bokou plis. Mon fer lapel pour nou tou zwenn ansanm pou en lannen travay dir e prodiktiv. Mon fer en nouvo lapel pour nou ranforsi solidarite dan lasanble e kooperasyon tou manm tou le de kote lasal. Mon regret labsans lopoziyon dan sa seremoni louvertir aköz mon kwar sa I en moman kot nou ti kapab zwenn ansanm pou onor lasanble. Mon respekte drwa lopoziyon proteste kot I annan koz, me sa seremoni I en moman

kot nou ti kapab montre limite . Zis pou eksplik nou piblik, monn ganny dir ki I akoz mon Party Leader LDS an menm tan ki Speaker.

Lasanble Nasyonal I en forum politik e enn ki konstataman dan regar piblik. I byen ki nou fer politik e ki nou koz pou enflians piblik deor, me sa ki nou bezwen plis se pour konsantre lo nou responsabilite, lo travay ki nou fer pou soutenir en demokrasi vivan e bonn gouvènanans nou pei. Nou bezwen donn nou sitwayen sa sertitid ki nou pe servi zot premye, avek tou nou leker e tou nou kouraz. Alor, mon remersye tou manm davans pou zot partisipasyon e zot looperasyon dan sa lannen ki devan

nou.

Mon remersye osi nou staff lasanble ki donn nou en servis e sipor administrative ekselan non selman regilyerman pandan nou bann sesyon travay me osi bann lokatzyon spesyal parey bann levennman ozordi. Monn aprann annan kont lo zot kapabilite, zot devouman pour sa bann lokazyon ki demann zot travay ekstra. Mon kontinye kont lo zot pou reste sa moter ki fer nou lasanble fonksyonnn byen, an ord.

Mon annan konfyans ki lannen 2024 I a en bon lannen pour Lasanble Nasyonal Sesel. Avek sa, mon annan plezir deklar nou sesyon lasanble 2024 ouver.



